

LA CONTA DOU RAT EMARÈSE (LAURA GRIVON)



Padja 1

In pasèn dézò na QUIENDA, un RAT ou l'at htchanca-che la PÉIS.

Padja 2

Lo rat ou vat avò lo CORDOGNÉI é ou ou ié dit :

« Cordognéi, pé piéjì, rémindà-mè la péi qu'i y èi htchanca-me in pasèn dézò la quienda ! ».

« Oi oi, té la rémindò ! » ou ié réhpòn lo cordognéi « Macque qué pé sen, ou me fat dé SÉE ! ».

Padja 3

Lo rat ou va tchertchéi lo GADÌN é ou ié dit :

« Gadìn, pé piéjì, dounna-mè dé sée pé lo cordognéi ! ».

« Oi oi, té nén dounno ! » ou réhpòn lo gadìn « Macque qué pé sen, ou mé fat dé FAREUNNA ! ».

Padja 4

Lo rat ou va tchertchéi lo MOLENÉI é ou ié dit :

« Molenéi, pé piéjì, dounna-mè de fareunna pé lo gadìn ! ».

« Oi oi, té nén dounno ! » ou réhpòn lo molenéi « Macque qué pé sen, ou mé fat dé BIÀ ! ».

Padja 5

Lo rat ou va tcherchéi lo TCHAN dé bià é ou ié dit :

« Tchan dé bià, pé piéjì, dounna-mè dé bià pé lo molenéi ! ».

« Oi oi, té nén dounno ! » ou réhpòn lo tchan dé bià « Macque qué pé sen, ou mé fat dé FEMÉI, pé féire créhtre lo bià ! ».

Padja 6

Donca lo rat ou va tchertchéi la VATCHA é ou ié dit :

« Vatcha, pé piéjì, dounna-mè dé feméi pé lo tchan dé bià ! ».

« Oi oi, té nén dounno ! » a ié réhpòn la vatcha « Macque qué pé sen, ou mé fat dé FÉN ! ».

Padja 7

Donca lo rat ou va tchertchéi lo PRA é ou ié dit :

« Pra, pé piéjì, dounna-mé dé fén pé la vatcha ! ».

« Oi oi, té nén dounno ! » ou ié réhpòn lo pra « Macque qué pé sen, ou me fat D'ÉIVA, pé féire créhtre l'erba ! ».

Padja 8

É lo rat ou va tchertchéi lo VALÈI et ou ié dit :

« Valèi, pé piéjì, dounna-mé d'éiva pé lo pra ! ».

Padja 9

Donca le VALÈI dounne d'ÉIVA ou RAT qu'ou la porte ou PRA ;

é lo PRA ou ié dounne dé FÉN qué lo rat ou porte a VATCHA ;

é la VATCHA ou ié dounne dé FEMÉI qué lo rat ou porte ou TCHAN dé bià ;

é lo TCHAN dé bià ou ié dounne dé BIÀ qué lo rat ou porte ou MOLENÉI ;

é lo MOLENÉI ou ié dounne dé FAREUNNA qué lo rat ou porte ou GADÌN ;

é lo GADÌN ou ié dounne dé SÉE qué lo rat ou porte ou CORDOGNÉI ;

é lo CORDOGNÉI ou ié reminde la PÉI qué lo rat ou l'a htchanca-che in pasèn dézò la QUIENDA !